



**«ՀԱՅԱՍՏԱՆԻ ՖԻԶԻԿԱԿԱՆ ԿՈՒԼՏՈՒՐԱՅԻ ԵՎ ՍՊՈՐՏԻ ՊԵՏԱԿԱՆ ԻՆՍՏԻՏՈՒՏ»
ՀԻՄՆԱԴՐԱՄԻ**

ՈՒՍԱՆՈՂԱԿԱՆ ԳԻՏԱԿԱՆ ԸՆԿԵՐՈՒԹՅԱՆ

ԿԱՆՈՆԱԿԱՐԳ

Հավելված
«Հայաստանի ֆիզիկական կուլտուրայի և սպորտի
պետական ինստիտուտ» հիմնադրամի
Գիտական խորհրդի
2022 թվականի նոյեմբերի 02-ի թիվ 13-Լ որոշման

**«ՀԱՅԱՍՏԱՆԻ ՖԻԶԻԿԱԿԱՆ ԿՈՒԼՏՈՒՐԱՅԻ ԵՎ ՍՊՈՐՏԻ ՊԵՏԱԿԱՆ
ԻՆՍՏԻՏՈՒՏ» ՀԻՄՆԱԴՐԱՄԻ
ՈՒՍԱՆՈՂԱԿԱՆ ԳԻՏԱԿԱՆ ԸՆԿԵՐՈՒԹՅԱՆ
ԿԱՆՈՆԱԿԱՐԳ**

1. ԸՆԴՀԱՆՈՒՐ ԴՐՈՒՅԹՆԵՐ

1.1.«Հայաստանի ֆիզիկական կուլտուրայի և սպորտի պետական ինստիտուտ» հիմնադրամի (այսուհետ՝ Հիմնադրամ) Ուսանողական գիտական ընկերությունը (այսուհետ՝ Ընկերություն) ուսանողների ինքնակառավարման, ներկայացուցչական, ընտրովի մարմին է:

1.2. Ընկերության գործունեությունը կարգավորվում է ՀՀ օրենսդրությամբ, Հիմնադրամի կանոնադրությամբ, Հիմնադրամի ներքին իրավական ակտերով և սույն կանոնակարգով:

1.3 Ընկերությունն իր նպատակների իրականացման համար կարող է համագործակցել Հիմնադրամի ստորաբաժանումների ինչպես նաև Հայաստանի Հանրապետության և օտարերկրյա ուսումնական հաստատությունների, գիտական կենտրոնների հետ:

1.4. Ընկերության անվանումն է

- ✓ Հայերեն՝ «Հայաստանի ֆիզիկական կուլտուրայի և սպորտի պետական ինստիտուտ» հիմնադրամի ուսանողական գիտական ընկերություն
- ✓ ռուսերեն՝ Студенческое научное общество Фонда "Государственного института физической культуры и спорта Армении"
- ✓ անգլերեն՝ Student Scientific Society of the "State Institute of Physical Culture and Sports of Armenia" Foundation

1.6. Ընկերությունը կարող է ունենալ ձևաթուղթ և կնիք:

2. ՈՒՍԱՆՈՂԱԿԱՆ ԳԻՏԱԿԱՆ ԸՆԿԵՐՈՒԹՅԱՆ ՆՊԱՏԱԿՆ ՈՒ ԽՆԴԻՐՆԵՐԸ

2.1. Ուսանողական գիտական ընկերության հիմնական նպատակն է՝

1) կազմակերպել և համակարգել ուսանողների կրթական, գիտական և հետազոտական գործունեությունը:

2.2. Ուսանողական գիտական ընկերության հիմնական խնդիրներն են՝

1) Գիտական աշխատանքների, միջոցառումների իրականացում,

2) Գիտական հոդվածների տպագրում հայաստանյան և միջազգային գիտական ամսագրերում

3) ուսանողների ներգրավում կրթական, գիտական խմբերում և ծրագրերում,

4) խնդիրների իրականացման նպատակով Ընկերությունը կարող է համագործակցել ինչպես ներպետական, այնպես էլ միջազգային գիտական ընկերությունների հետ,

5) մշակել և Հիմնադրամի հաստատմանը ներկայացնել ներբուհական դրամաշնորհային ծրագրեր,

6) մասնակցել դրամաշնորհային ծրագրերի:

3. ՈՒՍԱՆՈՂԱԿԱՆ ԳԻՏԱԿԱՆ ԸՆԿԵՐՈՒԹՅԱՆ ԿԱՌՈՒՑՎԱԾՔԸ, ԿԱՌԱՎԱՐՈՒՄԸ, ԱՆԴԱՄՈՒԹՅՈՒՆԸ, ԱՆԴԱՄ ԴԱՌՆԱԼՈՒ ԵՎ ԱՆԴԱՄՈՒԹՅՈՒՆԸ ԴԱԴԱՐԵՑՆԵԼՈՒ ԿԱՐԳԸ, ԱՆԴԱՄՆԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

3.1 Ընկերության կառավարման մարմինը հանդիսանում է Ուսանողական գիտական խորհուրդը, որի կազմի մեջ են մտնում նախագահը, քարտուղարը, ամբիոնների կողմից երաշխավորված ուսանողները և ֆակուլտետների կողմից ներկայացված ընկերության անդամները:

3.2 Յուրաքանչյուր ամբիոնի կողմից երաշխավորվում է երեք ուսանողների թեկնածություն, ովքեր ներկայացնում են իրենց ամբիոնները ուսանողական գիտական ընկերության խորհրդում:

3.3 Յուրաքանչյուր ֆակուլտետի կողմից ներկայացվում է մեկ ուսանողի թեկնածություն:

3.2 Ընկերության խորհրդի կազմը և նախագահի ընտրության արդյունքները հաստատվում են Հիմնադրամի Գիտական խորհրդի կողմից:

3.3 Ընկերության նախագահը ընտրվում է խորհրդի կազմից չորս տարին մեկ անգամ՝ փակ, գաղտնի քվեարկությամբ:

3.6 Ընկերության անդամության վերաբերյալ գրավոր դիմում ներկայացնում է խորհրդի նախագահի անունով:

3.7 Ընկերությունը վարում է իր անդամների հաշվառումը և յուրաքանչյուր վեց ամիսը մեկ անգամ թարմացնում է տվյալները:

3.9 Ընկերության խորհուրդը

1. մշակում և ընդունում է ընկերության տարեկան աշխատանքային պլանը

2. Կազմում և հաստատում է ընկերության նպատակներից բխող միջնաժամկետ և հեռանկարային ծրագրերը:

3. քննարկում և Հիմնադրամի գիտական խորհրդին է ներկայացնում սույն կանոնակարգի փոփոխությունները

4. Համագործակցության առաջարկություններ է ներկայացնում Հիմնադրամի առանձին ստորաբաժանումներին:

5. Ընկերության խորհրդի նիստերը իրավազոր են եթե նրան մասնակցում է խորհրդի անդամների պարզ մեծամասնությունը:

3.9 Խորհրդի նախագահը

1. Իրականացնում է ընկերության ընթացիկ գործունեության ղեկավարումը

2. Կազմում և Հիմնադրամի գիտական խորհրդին է ներկայացնում ընկերության տարեկան հաշվետվությունը (սույն կարգի իմաստով տարեկան հաշվետվության ժամանակահատված է համարվում ուսումնական տարին)

3. Նախագահում է ընկերության խորհրդի նիստերը:

3.10 Խորհրդի քարտուղարը

1. Խորհրդի քարտուղարը ընտրվում է խորհրդի անդամներից ձայների պարզ մեծամասնությամբ:

2. Քարտուղարը համակարգում է քարտուղարության աշխատանքները, լրացնում և պահպանում է խորհրդի նիստերի արձանագրությունները և Ընկերության փաստաթղթերը:

3. Իրականացնում է շահառուների պատշաճ ծանուցման գործընթացները:

3.11 Ընկերության անդամ կարող է դառնալ «Հայաստանի ֆիզիկական կուլտուրայի և սպորտի պետական ինստիտուտ» հիմնադրամի ուսանողը, ով սովորում է երկրորդ և բարձր կուրսերում, ով զբաղվում է գիտահետազոտական աշխատանքով և ցանկանում է դառնալ ընկերության անդամ:

3.12 ՈւՊԸ-ն անդամը իրավունք ունի.

- 1) ընտրել և ընտրվել ՈւՊԸ-ն կազմի մեջ,
- 2) ստանալ տեղեկություններ ՈւՊԸ-ն միջոցառումների մասին,
- 3) զբաղվել գիտահետազոտական գործունեությամբ ցանկացած թեմատիկայով և մասնակցել բոլոր միջոցառումներին նախատեսված Ընկերության աշխատանքային պլանով,
- 4) հրատարակել սեփական գիտական հետազոտությունների արդյունքները,
- 5) ներկայացնել առաջարկություններ Ընկերության գործունեության, ուսանողների գիտահետազոտական գործունեության վերաբերյալ,
- 6) մասնակցել կոնֆերանսներին, սեմինարներին, մրցույթներին,
- 7) ազատորեն արտահայտել իր կարծիքը ցանկացած քննարկվող հարցի շուրջ,
- 8) մասնակցել ՈւՊԸ-ն որոշումների մշակման մեջ, հանդես գալ առաջարկություններով և դիմումներով,
- 9) քննադատել ՈւՊԸ-ն ցանկացած ենթաաբաժնի և ցանկացած անդամի,
- 10) մասնակցել ՈւՊԸ-ի բոլոր ժողովներին:

3.13. ՈւՊԸ-ի անդամների պարտականությունները.

- 1) մասնակցել գիտահետազոտական գործունեությունում,
- 2) ելույթներով հանդես գալ գիտաժողովներին, սեմինարներին և այլ գիտագործնական միջոցառումներին,
- 3) մասնակցել ՈւՊԸ-ն գիտակազմակերպչական աշխատանքներում,
- 4) ղեկավարվել իր գիտահետազոտական գործունեությունում սույն կանոնակարգով,
- 5) նպաստել ուսանողների ներգրավմանը գիտական և հետազոտական գործունեության մեջ,
- 6) կատարել ՈւՊԸ-ն կողմից տրված հանձնարարությունները,
- 7) մասնակցել ՈւՊԸ-ն ժողովներին:

5. ՈՒՍԱՆՈՂԱԿԱՆ ԳԻՏԱԿԱՆ ԸՆԿԵՐՈՒԹՅԱՆ ՄԻՋՈՑՆԵՐԸ ԵՎ ԴՐԱՆՑ ՕԳՏԱԳՈՐԾՄԱՆ ԿԱՐԳԸ

5.1. Ընկերության միջոցները գոյանում են Ինստիտուտի կողմից տրվող հատկացումներից, նվիրատվություններից և ՀՀ օրենսդրությամբ չարգելված այլ աղբյուրներից:

5.2. ՈւԳԸ-ն անվճար կարող է օգտվել բուհի տարածքային, գույքային, տեխնիկական և այլ միջոցներից համաձայն սահմանված կարգի:

5.3. Ընկերության միջոցները օգտագործվում են կանոնակարգի նպատակների և խնդիրների իրականացման համար:

6. ՈՒՍԱՆՈՂԱԿԱՆ ԳԻՏԱԿԱՆ ԸՆԿԵՐՈՒԹՅԱՆ ԳՈՐԾՈՒՆԵՈՒԹՅԱՆ ԴԱԴԱՐԵՑՄԱՆ ԿԱՐԳԸ

6.1. ՈւԳԸ-ն իր գործունեությունը դադարեցնում է Ինստիտուտի գիտական խորհրդի որոշմամբ կամ ՀՀ օրենսդրությամբ սահմանված կարգով:

6.2. Ընկերության լուծարումից հետո նրա ամբողջ գույքը և միջոցները պատկանում են Ինստիտուտին:

7. ԱՆՑՈՒՄԱՅԻՆ ԴՐՈՒՅԹՆԵՐ

7.1 Սույն կանոնակարգը ուժի մեջ է մտնում Գիտական խորհրդի կողմից հաստատման հաջորդող օրվանից :

7.2 Սույն կանոնակարգում փոփոխություններ և լրացումներ կատարվում են Գիտական խորհրդի որոշմամբ: